



**Nakkutilliinnermit nalunaarusiaq
uunga
Kommuneqarfik Sermersuumi
isumaginninnermi malittarisassa-
nik malinninneq
pillugu nakkutilliiartornermit
Inatsisunik Nakkutilliisoqarfimmut
nalunaarusiaq.**

2017-2018

2018-12032

**Inaarutaasumik saqqummiussineq
Aallaqqaasiut**

Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalakkersuisoqarfimmi (matuma kingorna Naalakkersuisoqarfimmik taagugassatta) Nakkutilliinermik ingerlatsiviup, 2016-imi aamma 2017-imi piffissani pingasuni Kommuneqarfik Sermersuumi (matuma kingorna Kommunemik taagugassatta) inunnik isumaginnittoqarfik nakkutilliiartorfigaa. Piffissami 28. septembarimiit 5. oktobari 2016-imut Ittoqqortoormiini, Paamiuni piffissami 25. januaarimiit 1. februaari 2017-imut aammalu Nuummi piffissami 6. februaarimiit 15. februaari 2017-imut nakkutilliiartortoqarpoq.

Nakkutilliinermi meeqqanut tunngasunik suliaqarnerni ajornartorsiuteqarfiit immikkut toqqakkat sammineqarput.

Nakkutilliinernit inerniliussat Nakkutilliinermik ingerlatsiviup nalunaarutaani 2. juuni 2017-imeersumi allaaserineqarput.

Nakkutilliinermiit nalunaarusiaq una Nakkutilliinermik ingerlatsiviup Ittoqqortoormiini piffissami 2017-imi 21. novembarimiit 28. novembarimut, Paamiuni 2017-imi piffissami decembarip 9-anit 13-iata tungaanut aammalu Nuummi 2017-imi 30. oktobarimiit 2018-imi 20. februaarimut nakkutilliiartorneraneersuuvoq. Nakkutilliinermik ingerlatsiviup nakkutilliisimanermut nalunaarusiamut 2. juuni 2017-imeersumut malittarinneqqinneratut Kommunep suliniuteqarsimanera sammivaa, ilaatigut Nakkutilliinermik ingerlatsivimmit pissuesit nalunaarusiami tikkuarsimasai naammassiumallugit suliniuteqarfigisaanut tunngasut.

Nalunaarusiap matuma ataqatigiissumik aaqqissuussaanerata, sumiiffiit orninneqarlutik malittarinneqqiffiusut malippai, Kommunep suliniuteqarsimaneranut tunngatillugu eqikkaaviginninnikkut inerniliiffigineratigullu. Nakkutilliinermik ingerlatsivik imminut pisinnaatissimavoq immikkoortunik malugititsiniarnissaminut, tamakkulu Kommunep eqqarsaatigisinnaavai meeqqanik suliaqarnerup iluani siunissami ingerlatsinissamut tunngaviusussamik atuilernissamut atatillugu. Immikkoortoq naggasiinerusooq eqikkaanerugaluarpalluunniit malugeqquneqassaaq nalunaarusiap ataqatigiissutut nalunaarusiaanera. Nalunaarusiaq aammalu Nakkutilliinermik ingerlatsiviup nalunaarusiamik suliaqarnermini isumaliutersuutigisimasai paasisinnaajumallugit, nalunaarusiap ataatsimoortutut isiginissaa pingaaruteqarpoq.

Nuuk

Kommuneqarfik Sermersuumi nakkutillineq kommunep qitiusumik ingerlatsivianik aamalu najukkani ingerlatsivinnik nakkutilliineruvoq.

Nakkutilliiartorsimaneq pillugu nalunaarusiamik 2. juuni 2017-imeersumik malitseqartitsineq

Nakkutilliinermik ingerlatsiviup nalunaarusiami 2. juuni 2017-imeersumi inerniliuppaa Nakkutilliinermik ingerlatsiviup misissussallugit immikkoortitaani inissiinernut ilaqtariinnullu paarsisartunut tunngatillugu suliani amerlasuuni amigaatit imaannaanngitsut amerlaqisut. Taamaattumik nalunaarummut allanneqarpoq, "Suliaqarfinni taakkunani Nuummi ingerlatsineq amigaateqarpoq aamalu suliani ilungersunartuni iliuuseqarnissamik aamalu naammattumik suliniarnissamut tunngatillugu piumasaqaatit – illersorneqarsinnaanngillat".

Nalunaarusiami inerniliusseq tunngavigalugu, Nakkutilliinermik ingerlatsiviup kommune oqaloqatigereerlugu saqqummiuppai innersuussinerit arlallit. Nalunaarusiami 2. juunimeersumi Kap. 5-imi innersuussinerit ukuupput:

1. Inissiinernik suliat tamarmik piumasarineqartutut aaqqiivigineqassapput, tassani eqqarsaatigalugu inissiinermut tunngaviusoq.
2. Inissiinerni tamani iliuusissanut pilersaarutit suliarineqassapput.
3. Meeqqanik pinerliisimanginnermut uppersarsaatit tamarmik pissarsiarineqassapput, ilaqtariinnik paarsisartunik akuersissuteqarnerni tamani meeqqanik pinerliisimanginnermut uppersarsaatinik peqarnermik uppersarsarsinnaaleqqullugit.
4. Sulianik suliarinnineq aqutsisunit annerusumik aqunneqarlunilu nakkutigineqassaaq. Tassani qulakkeerneqassaaq ajornartorsiutip aallarniutitut killilersimaarnissaa ingerlatsiviup periarfissaanut naleqqiullugu aamalu meeqqap atugaanik qulaajaaneq tassunga naleqqiullugu ingerlanneqassasoq.
5. Suleriaatsit aalajangersimasut najukkani sulianik suliarineqarlutillu isumagineqartunut piffissaliunneqartunik eqquutsitsinissamik imaqartut atuutsinneqalernissaat innersuussutigineqassaaq, tamakkuli Nuummi aalajangiivigineqartassapput najukkani suliamut attuumassuteqartunut tamanut paasissutissiinernut/naatsorsuutigisanik naleqqussaaviginninnernut tunngaviusussaassammata.
6. Sullissisunut ilitsersuummik sanasoqarnissaa innersuussutigineqarpoq, tassani allassimassaaq saaffiginnissut qaqugukkut nalunaarutiginninnerunersoq, inunnik isumaginnittoqarfimmit qisuariarfiusussaasoq, soorlu:
 - A. Saaffiginnissut nalunaarutiginninnerunngitsoq qanoq suliarineqassanersoq.

- B. Inunnik isumaginnittoqarfik, nalunaarutiginninnerup pineqartup ass. politiit, peqqinnissaqarfik akuliutsippagit imaluunniit taakku namminneq akuliuppata qanoq iliuuseqassanersoq.
 - C. Inunnik isumaginnittoqarfik pisuni inunnik isumaginnittoqarfiup isumaa naapertorlugu assersuutigalugu politiit iliuuseqartussaananik isumaqarpata, inunnilli isumaginnittoqarfik isumaqarluni politiit iliuuseqartussasorinnginnerat eqqunngitsuusoq.
7. Nalunaarsuiffinnut nalunaarusiornissamut tunngatillugu sullissisunut ilitsersuusiortoqarnissaa, aammalu nalunaarusiornissamut qanoq sungiusartinneqarsinnaanerisa eqqarsaatersuutiginnissaa innersuussutigineqarpoq.
 8. Suliart aallartinneqarneranni tamatigut piffissaliussassatut siunnersuummik suliartoqarnissaa piumasarineqassaaq.
 9. "Sulianik ilungersunartunik qulaajaanissaq" pinngitsoorsinnaanngikkaanni tamanna sullissisunit immikkut toqqakkanit suliartineqartassaaq. "Sulianik ilungersunartunik qulaajaanissaq" kingornatigut suliarteqqinneqartuassaaq piffissarlu sivilunngitsoq qaangiutsinnagu piumasarineqartut malillugit aqqinneqartassaluni.
 10. Politiit suliassat ikiuunnissaallu pillugit politiinik piaarnerpaamik aammalu ersarisumik allassimasunik "isumaqatigiissuteqartoqassaaq" suliarti inunnik isumaginnittoqarfiup aammalu politiit suliassaasa qaleriiffigisaanni.

Malitseqartinneqartumik nakkutilliineq – Nakkutilliisimanermut siullermut tunngatillugu killiffissiuineq

Innersuussutaasimasunut tunngatillugu:

Nakkutilliinermik ingerlatsivik innersuussutaasunut kommunep isummernera pillugu aammalu innersuussutaasut qanoq atulersinneqarnissaat pillugu pilersaarummik allaganngorlugu nalunaarusiamik tigusaqanngilaq.

Nakkutilliinermik ingerlatsivik siumoortumik ilisimateqqaarnagu, kommunep nalunaarusiaq tunngavigalugu kukkunersiuisartut Deloittekkut suliassaqarfimmik misissuinissamut peqataatinnissaat aalajangiuppaa, tassa innersuussutaasunut 1-miit 9-mut tunngatillugu.

Innersuussummut nr. 10-mut tunngatillugu oqaatigineqassaaq Inunnik isumaginninnermik ingerlatsiviup aammalu Politiit akornanni suliassanik agguataarineq aammalu illugiilutik attuumassuteqarfigisaminnut ikiorsiarnissaaq pillugit allaganngorlugu isumaqatigiissutaannik Nakkutilliinermik ingerlatsivik paasitinneqanngimmat. Taamaattoq paasissutissiissutigineqarpoq ajornartorsiut qaangerniarlugu suliartoqartoq aammalu suliart agguataarneqarnissaat pillugu aalajangersimasumik isumaqatigiissusiortoqarniartoq.

Taamaattumik sulianik agguataarineq pillugu isumaqatigiissutip ersarissup allaganngorlugu inissineqarnissaa suli innersuussutigineqarpoq.

Meeqqanik sulianut tunngasut

Deloitte siunnersortitut avataaneersutut, kommunemi meeqqanik suliaqarnerup iluani sulianik ingerlasunik tamanik killiffissiuinissaq siunertaralugu misissuinissamik ataqatigiissaarisussatut Kommunemit suliakkerneqarpoq. Tamanna ilutigalugu kommunep Deloitte qinnuigaa, kommunep meeqqanik suliaqarfimmik ingerlatsinerata aqqissuunneqaqqinnissaanik suliaqarnermut kiisalu tamatuma atuutsinneqalernissaanik ikiuunnissamik.

Deloittep sulianik ingerlasunik tamanik misissugassanik tigusillattaarnek tunngavigalugu misissuinerata nakkutilliartorsimanermut nalunaarusiami paasineqartut uppernarsarpai. Deloittep inerniliuppaa Kommuneqarfik Sermersuumi meeqqanik/inuusuttunik suliat ingerlasut 1200-t missaannik amerlassuseqartut. Suliani taakkunani 75%-it missaanniittut annertuumik kukkuneqarlutillu amigaateqarput.

Nakkutilliinermik malitseqartitsinerup nalaani, Nakkutilliinermik ingerlatsiviup paasivaa inissiiernik ilaqtariinnullu paarsisartunut suliat misissorneqarsimasut.

Suliani Nakkutilliinermik ingerlatsiviup immikkut toqqarsimasaani killiffik pillugu allasimasoqarpoq, sulianilu tamani allanneqarpoq suliamik suliaqarnermi ingerlariaqqinnerit suut suliarineqarsimanerat kiisalu suliaqarnermi ingerlariaqqinnerit suut suliarineqartussatut amigaataanersut.

Nakkutilliinermik ingerlatsiviup paasivaa suliat killiffinnik suliaqarnernut atasumik SBsystemut allatorneqarsimasut, taannaavorlu IT-mi atortoq kommunep siunissami atugarissalugu kissaatigisaa.

Misissugassanik tigusillattaarluni misissuinerni taamatuttaaq paasineqarpoq suliatoqqat elektronikki atorlugu suliarineqarsimasut sulianut nutaatut allatorneqartunut annertunerpaaatigut nuussorneqarsimasut.

Nakkutilliinermik ingerlatsiviulli illuatungaaticut takusinnaangilaa suliani piusuni kukkunerit amigaatillu aqqinneqarsimasut imaluunniit tamanna misilinneqaraluarsimanersoq.

Nakkutilliinermik ingerlatsiviup apeqquteqarneraticut paasitinneqarpoq aqqissuussineq pisariaqartinneqartoq aammalu amigaataasunik malinnaatitsineq kingorna naammassinneqassasoq, sulianik tamanik aqqissuussinissamik pilersaarut ataatsimoortoq suliarineqareerpat.

Nakkutilliinermik ingerlatsiviup nakkutilliinermik malitseqartitsereernerup kingorna paasivaa kommune isumaginninnermut siunnersortinut sisamanut aammalu ukiuni 2018-imiit 2020-p tungaanut aqqissuussinissamik ingerlatsinermut aqutsisussamat aningaasaliinissaq aalajangersimagaa. Suliani ingerlasuni 900-t missaanniittuni aqqissuussinissap pisariaqartinneqarnissaa naatsorsuutigineqarpoq.

Taamaakkamilu sulianik aqqissuussinerup annertussusaa siunissamilu aqqissuussaanaissaq nukiillu atorneqartussat pigineqartut eqqarsaatigalugit, suliap ukiuni arlalinni ingerlanneqarnissaa pisariaqartinneqassaaq.

Nakkutilliinermik ingerlatsiviup tassunga atatillugu erseqqissassavaa, ingerlatsinissamik tunngaviusumik aaqqissuussinissamut atuutilersitsinissamullu pisariaqartinneqartunut aalajangiisuulluinnartuusoq tamakku piffissaq ersarissaq malillugu pinissaat, tassa pilersaarummi pineqartut ataasiakkaat immikkoortuinik qaqugu naammassinnissimanissamut piffissamik ersarilluinnartunik taasilluni. Piffissanut pilersaarut nakkutigineqartuassaaq. Kinguaattoortoqassagaluarpas, pilersaarummi tamakkiisumi pisariaqartumik aaqqiisoqartuassaaq aammalu pilersaarummik tamarmiusumik ingerlatsinissamut kinguaattoorneq sunik kinguneqassanersoq nalilersuiffigineqartassaaq.

Nakkutilliinermik ingerlatsiviup nakkutilliartornerisimasamini paasisimavaa suliani atasiakkaani annertuumik sumiginnaasoqarsimanera.

Nakkutilliinermik ingerlatsiviup tusaatissatut tiguaa nakkutilliartorsimanerup kingorna Kommunep suliniarnini malunnaatilimmik pitsanngortissimagaa aammalu meeqqanik angerlarsimaffiup avataanut inissiinernut aningaasarpasuit atorsimagai.

Nakkutilliinermik ingerlatsiviup maluginiarpaa suliani allannguinerit aaqqissuussinerillu naak imminnut atasutut ingerlanneqartariaqaraluarpataluunniit aammalu siviisuumik ingerlanneqartariaqaraluarpataluunniit, tamannalu aamma aningaasartornassagaluarpaluunniit, Kommunep erngerluni iliuseqarnissaanut pingaaruteqarluinnartoq sulisussat pisariaqartinneqartut pigineqartuarnissaat.

Suliat ilaqutariinnut paarsisartunut tunngassutillit

Nakkutilliinermik ingerlatsiviup nakkutilliinerup malitseqartinneqartup naammassilernerani paasivaa, ilaqutariinnut paarsisartunut akuersissutit maanna aaqqinneqarsimasut, tassa meeqqanik pinerliisimannginnermut uppersarsaatinut tunngatillugu. (Misissugasani tigusillattaaraluni misissorneqartuni). Nakkutilliinermik ingerlatsiviup ilaqutariinnut paarsisartunut akuersissuteqarnerup ilaatut pingaarutilerujussuurtut isigaa, meeqqanik pinerliisimannginnermut uppersarsaatit inoqutiginni inersimasortanut tamanut atuuttut pissarsiarineqarsimanissaat, aammalu akuersissummik pigisaqartuaannarnissamut apeqquterujussuusoq inersimasunik allanik inoqutiginnut ilannguttoqarnerani erngerluni meeqqanik pinerliisimannginnermut uppersarsaammik piniartoqartarnissaa.

Siunissamut aaqqissuussinermut aammalu ingerlatsinermut tunngavissamut nutaamut tunngasut

Nakkutilliinermik ingerlatsiviup siunissami ingerlatsinissamut tunngaviusussatut siunnersuut Deloittemit suliarineqartoq misissuataarpaa. Nakkutilliinermik ingerlatsiviup tamatuma kingorna paasivaa meeqqanik suliaqarfiup ingerlanneqarneranik annertuumik pitsanngorsaanissaq politikikkut kissaatigineqartoq. Susasaqarfik ingerlatsiviusumi ineriartortitsinermut aammalu allannguutit atuutsilernissaannut avataaniit sullinneqarnernut atorneqartussanik annertuumik aningaasaliiffigeqqinneqarpoq.

Nakkutilliinermik ingerlatsiviup aammattaaq paasivaa ingerlatsinissamut tunngavissatut Deloittemit siunnersuutigineqartut nakkutilliinermut inaarutaasumik nalunaarusiap innersuussutigisai ilaatinneqassasut.

Nakkutilliinermik ingerlatsiviup paasivaa allaaserineqartut naammassineqarnissaat anguniarlugu allannguineramik pilersaarusiortoqartoq, kommunellu meeqqanik inuusut-tunillu sullissinerata inatsimmut naapertuuttumik qaffasissuseqalernissaanut sulini-uteqartoqartoq.

Nakkutilliinermik ingerlatsiviup paasivaa kommunep taamatut suliniuteqarnermi-gut nakkutilliinermik nalunaarusiami tikkuarneqartut naammassisinnaajumallugit ingerlatsinerminik allannguiniartoq, meeqqanik suliaqarfiup iluani ingerlatsinissa-mut tunngavissanik nutaarluinnarnik pilersitsinermigut.

Nakkutilliinermik ingerlatsiviup siunnersuut annertunerusumik nalilersugassarinnigilaa, aatsaalli kommunep taamaaliornissamik qinnuigippani taamaaliorsinnaalluni.

Taamaakkaluartoq Nakkutilliinermik ingerlatsiviup nalinginnaasutigut paasivaa nutaamik aaqqissuussinerup ingerlatsivimmut, taamalu sullissisunut ataasiakkaanut annertuumik pingaarutilinnik piumasaqaateqarnera.

Sullissinermi periaatsini maannakkut atorineqartuni allanngortiterinerujussuarmik aaqqis-susseqqinnissamik pilersaarut piumasaqaatitaqarpoq, tassani aamma pineqarluni IT-mut atortulersuutit sulinermut atorineqartartut.

Pingaartumik SBsys-ip atorineqalerneranut tunngatillugu Nakkutilliinermik ingerlatsiviup paasivaa atortoq taanna Kalaallit Nunaanni kommunini arlalinni misilinneqartarsimasoq iluatsinngitsumilli.

Siunissami ingerlatsinermut tunngavissap imaa meeqqanik sullissinermut inatsisip pi-umasaqaataasunik naammassinnissinnaanissaanik Nakkutilliinermik ingerlatsiviup paa-sisaqarnera imaangilaq Nakkutilliinermik ingerlatsivik ingerlatsinermut tunngavissamik nutaamik taassuminnga pitsaasumik nalilersuisimasoq, ingerlatsinermut tunngavissap nutaap naammassinnissinnaaneranik imaqartumik. Nakkutilliinermik ingerlatsiviup tunngavissat pigineqartut tunngavigalugit, taamatut nalilersuinissaminut ilisimasat pisari-aqartinneqartut piginnigilai.

Sulianik suliaqarnermi amigaateqartutut paasineqartumut atatillugu eqqarsaa-tersuutit

Killiffik pillugu Deloittep suliaani, kommunep sulianik suliaqarnerani suliat ingerlasut ta-marmik 75%-iisa missaanniittut qanoq soorlu kukkunerpassuaqarnerannik amigaateqarnerannillu imaqarnerinik erseqqinnerusumik misissuisoqarsimanermik imaqanngilaq.

Nakkutilliinermik ingerlatsiviup nalilerpaa pissutsini saqqummiunneqartuni kommunep suliniuteqalernissaa qitiulluinnartoq. Sulianik suliaqarnerup amigaateqaqisup taamani misissoqqissaarneqarsimannginneranut allagartalersorneqarsimannginneranullu pis-sutaasut arlaqarsinnaapput, soorlu tamatumunnga pissutaasimasinnaammat sulianut tunngassutillit ukkatarineqarnerata peerneqarsimasinnaanera inatsisit malillugit inger-latsiviup sulianik suliarinninnera aaqqiiviginiarlugu.

Taamaattorli Nakkutilliinermik ingerlatsiviup naatsorsuutigaa kommunep Deloittellu siunissami ingerlatsinermut tunngaviususaaq pillugu misissuinerminni ajornartorsiutinut assortorneqarsinnaanngitsumik, meeqqanik suliaqarnerup iluani piusimasunut pingaarluinnartunut isummersimassasut, tassami annertussusaat aammalu kukkunertut paasineqartut imaat eqqarsaatigisariaqarmata aammalu tamanna siunissami ingerlatsinermut tunngaviusumik ilusilersuinermi eqqarsaatigineqartussaassammat.

Nakkutilliinermik ingerlatsivik Kommunep iliuusaanik pitsaasumik naliliissappat aammat-
taaq naatsorsuutigeqqaarneqartariaqarpoq siunissami aaqqissuussaaneq pillugu aala-
jangiisoqarnerani meeqqanik sullissinerup iluani maannakkut sulisuusut, siunissami in-
gerlatsinissatut pilersaarutaasumik kivitsisinnaajumaarnerat piviusumik naliler-
sorneqarsimanersoq. Tassani pisariaqassaaq sulisut piffissap sivikitsup iluani IT-mut
atortumik nutaarluinnarmik aammalu suleriaatsinik nutaanik atuisinnaalersimanissaat,
naatsorsuutigineqassammammi aaqqissuussaaneermik allanngortitsinerup saniatigut
tamakku aamma ineriartortinneqarnissaat. Tamatuma saniatigut sulisut ullormut sullissi-
neq aamma suliarisussaavaat. Tamanna isummerfigineqartussaavoq siusinnerusukkut
suliata qanoq suliarineqartarsimanerat pillugu aammalu pissutsit taakku atuunnerisa nal-
aani suliassap sooq kivinneqarsinnaasimannginnera pillugu ataani allassimasut innersu-
ussutigalugit.

Nakkutilliinermik ingerlatsiviup maluginiarppaa avataaniit ikiortinik atuineq aaqqissuussaa-
nerup nutaap atuutilernissaanut aammalu tassunga attuumassutilinnik atortunut kiisalu
sivikitsumik ilinniartitsissutiginerinut killeqartinneqassasoq.

Nakkutilliinermik ingerlatsiviup avataaniit ikiuisut naatsorsuutigisamiit annertunerujus-
suarmik pisariaqartinneqarnissaat isumakulunnartoqartippaa. Aningaasartuutit killiliussat
iluaniiginnartinnissaat ajornakusuulerneranik tamanna kinguneqarsinnaavoq. Taamatut
pisoqassappat pilersaarutaasoq naatsorsuutigisatut naammassineqarsinnaassanngilaq.
Nakkutilliinermik ingerlatsiviup kommune kajumissaassavaa ajornartorsiut tamanna
eqqumaffiginiaqqullugu.

Meeqqanik sullissinermik ingerlatsinermi tunngaviusumik ajornartorsiutaasut su- usinnaanerinik allaaserinnineq

Nakkutilliinermik ingerlatsiviup nakkutilliartorsimaneq tunngavigalugu tunngaviusumik
ajornartorsiutaasunik uppersaasikkanik allaaserinnissinnaananilu allaaserinnis-
sanngilaq. Nakkutilliinermik ingerlatsiviulli sulinerminut atatillugu ilimagisani isu-
maliutigisanilu tunngavigalugit ajornartorsiutaajumaarsinnaasut suusinnaanerinik allaa-
serinnissaaq. Tamatuma kingorna Kommunep isumaliutigisinnavaa, isumaliutersuutit
isumaginnittoqarfimmi pissutsit nassuiaatissaasa ilagiumaagassaattut isigileriissaner-
lugit. Qanorikkaluarpalluunniit aalajangiisuulluinnartussaavoq ajornartorsiutiviit assortor-
neqarsinnaanngitsut sullissinissami nutaami ingerlateqqinneqannginnissaat. Nakkutilli-
inermik ingerlatsiviup pingaartutut isigaa, piviusut naapertorlugit sulisut, politikerit aam-
malu innuttaasut eqqarsaatigalugit, ajornartorsiutit tunngaviusut kommunep allaa-
seralugillu oqaatigisassagai.

Inunnik isumaginnittoqarfiup suliassai

Inatsisit ingerlatsinnermut tunngasut aallaavigalugit, isumaginninnerup iluani inatsisit naapertorlugit innuttaasut pisinnaatitaaffiisa atuutsinneqarnissaat inunnik isumaginnittoqarfiup suliassaraa. Anguniagaq ataasiuvoq, tassalu atuutsitsinnerup inatsimmik tunngaveqarluni aammalu sullissinissamut inatsit aqutsilluarnissarlu naapertorlugit ingerlatsinisaq.

Isumaginnittoqarfiup suliai pitsaasumik angusaqarfiussappata, tamanna naammanner-soq oqallisigineqarsinnaavoq.

Inuup pitsaasumik inuuneqarnissaanut arlallit apeqqutaapput, soorlu aningaasaqarneq, peqqissuseq, ilinniarnissamut periarfissat, ineqarniarnermi pissutsit, inooqataanermut tunngasut il.il.

Inunnik isumaginnittoqarfik pisorta qarfittut pissutsinut taamatut ittunut akisussaaf-feqanngilaq.

Taamaattoqaraluar palluunniit amerlasuut isumaqartarput inunnik isumaginnittoqarfik tamanut, pingaartumik meeqqat pineqartillugit, pisussaaffigaa imatut oqaatigineqarsinnaasoq: "Kikkulluunniit tamarmik pitsaasumik inuuneqartussaataapput, tamatumalu qulakkeernissaa inunnik isumaginnittoqarfiup akisussaaffigaa".

Iluuqutaasinnaasut qanorluunniit ittut pigineqaraluar pata, suliassaq tamanna inunnik isumaginnittoqarfiup kisimiilluni kivissinnaanngilaa. Inatsit malillugu isumaginnittoqarfimmut tamanna aamma suliakkiutigineqarsimanngilaq. Suliassaq tamanna ersarinnerusumik paasissutissartaqanngitsoq inunnik isumaginnittoqarfimmut inatsisiliornikkut suliakkiutigineqassagaluarpat (imaluunniit inatsisip atuuttup "nassuiarnissaa"-ta inuppalaarnerup tungaaniit suliassatut ataqqinartutut isiginissaata ilanngunnissaa toqqassagaanni) suliassaq naammassineqarnaviannngilaq. Inunnik isumaginnittoqarfik inuit atugaannut tamanut sunniuteqanngilaq, inuillu atugaasa ilarpassui qanoq ittuunertik aallaavigalugu oqartussa qarfimmit inatsisiliuunneqarsinnaanngillat. Tassunga aamma ilanngunneqassaaq pissutsit taamatut ittut inatsisiliuunneqarsinnaasimagunik, taava annertunertigut oqartussaaffeqarfimmit allamit suliarineqareertartut.

Inunnik isumaginnittoqarfik kikkut tamarmik pitsaasumik inuuneqarnissaat anguniarlugu sullissisussaasutut politikerinit aammalu tusagassiuutinit annertuumik tapersorneqartarpoq (inunnik isumaginnittoqarfiup innuttaasunik ataasiakkaanik sumiginnaasimasutut isumaqarfigineqaraangat).

Inunnik isumaginnittoqarfiup kikkut tamarmik pitsaasumik inuuneqarnissaannik qulakke-erinniffiginissaannut nalinginnaasumik aammalu politikerinit taperserneqartumik isumaqarneq, innuttaasunit inunnik isumaginnittoqarfimmut tatiginninnginnermik malunnartumik pilersitsivoq. Tamanna pilersarpoq innuttaasut namminneerlutik paasileraan-gassuk innuttaasut akornanni amerlaqisut, pingaartumik meeqqat akornanni, pitsaanngitsumik inuunermik atugaqartoqartoq.

Tatiginnikkunnaarneq pilersinnaasarpoq, isumaginnittoqarfik inatsit malillugu suligaluar palluunniit. Taamatut pisoqaraangat isumaginnittoqarfimmi sulisunut tamanna oqitsuinnaaneq ajorpoq.

Tatiginnikkunnaarneq tamanna innuttaasut isumaginnittoqarfiullu akornanni suleqatigiin-
nermut sunniuteqarnerluttarpoq – kingunerisinnaasarpaalu inatsit malillugu taamaalior-
tussaataaffimmini sulisup iliuuseqannginnera. Sooq iliuuseqartoqassava, naatsor-
suutigisat naammassiniarnissaat uffa ajornartoq?

Pissutsit taamaattut atuunnerini aqutsisuni tunuarsimaarnerup pilersitsiviusarnera isu-
maqarfiginarsisarpoq, tassa pitsaasumik inuuneqarnissap qulakkeernissaata inunnik
isumaginnittoqarfiup pisussaaffeqannginnerata aalajangiusimanera tunngatillugu.
Tamanna aqutsisut isummap politikerinit taparserneqartup illuatungerisaanik isummer-
nerannik akerliusumik pisariaqartitsivoq, aammalu innuttaasut isumaginnittoqarfiullu
akornanni tatigeqatigiinermik pisariaqartinneqartumik ineriartortitsinissamut/pilersit-
seqqinnissamut tunngatillugu periaasissaq eqqarsaatigalugu silatusaannginnerusutut
isikkoqartarluni (piffissaq qanittoq eqqarsaatigalugu).

Tamatuma aqutsinermik pisarialimmik suliaqarnerit, soorlu ilitsersuutit ersarissut,
pingaarnersiunerit pisariaqartinneqartut aammalu nakkutilliineq, pitsaanngitsumik sun-
nersinnaavai.

”Innuttaasup pitsaasumik inuuneqartussaataaananerani” piumasaqaataasunut naammass-
sinninnissamut, aqutsisut soorunami isumaqarluartunik ilitsersuisinnaanngillat il.il., aqut-
sisulli inatsimmi aalajangersakkat tunngavigalugit sulisut piumasaqarfigisinnaavaat suli-
assap pisariaqartinneqartup suliarineqarnissaanik.

Pisulli marluk taakku immikkoortissallugit ajornakusoorsinnaavoq, aqutsisut inunnik isu-
maginnittoqarfiup pitsaasumik inuuneqarnissamut qulakkeerinnittussatut suliassamut
ersarissumik imminnut mattutereersimagunik. Tamanna kinguneqarsinnaavoq aqutsisu-
tut suliaqarnerup annikillerujussuarneranik ajoquserujussuarneqarneranillu.

Aqutsisoqarfittut ingerlatsinerup killileqqinneqarnera pisinnaavoq nalinginnaasumik aqut-
sisoqarnermik pisariaqartitsiffiunngitsumik sulinermi periaaseqartoqaleraluarpat aam-
malu toqqaannartumik tulluurtuunngitsumik nakkutilliinermik suliaqartoqaleraluarpat.

Inunnik isumaginnittoqarfiup Kalaallit Nunaanni meeqqanik sullissinermik ingerlatsisu-
sup ilaatigut makku ilisarnaatigai:

Suliap imarai suliassanik inuiaqatigiinnut pingaarutilinnik isumaginninneq, aammalu suli-
neq pisariaqartinneqartoq piumasaqaatigineqartorlu pingaaruteqartutut (kinaassusersi-
unngitsumik) isigineqartoq. Sulisut suliassanik isumaginnittuusut ulapitinneqaqaat.

Suliassat annertussusaat sunillu imaqarumaarnerat aalajangeruminaappoq suliallu aall-
artinnerani ilisimaneqareertarik.

Suliaq ilumut naammassineqarsimanersoq pisariitsumik piviusorsioortumillu aalajangiiffi-
gineq ajornakusoorpoq.

Pisuni aalajangersimasuni qanoq iliortussaaneq sulisunit nalornissutigineqartarpoq.

Suliniutit/neqeroorutit periarfissaasinnaasut killeqarput.

Aalajangersimasumik aammalu nalinginnaasumik qanoq iliortoqarnissaa aqutsisut nalor-nissutigisarpaat.

Atorfiit inuttaqanngitsut inuttaleruminaatsuupput, pingaartumik ilinniarsimasunik.

Qulaani taaneqartut ataatsimut isigalugit kingunerisinnaavaat pisortatigut annerusumik minnerusumilluunniit nalunaarutigineqartumik isumaqalernerq, tassa "ulapeqaagut sulisullu tamarmik sapinngisannguartik malillugu sulipput", tamatumalu aqutsisut suliniut-nik pisariaqartinneqarluninartunilluunniit suliarinninnissamat qulakkeerinnittumik suliaqarnissaannik akornusissavai.

Taamatut periaaseqarnerup aammattaaq ilisarnaatigaa, suliaq naammassisaq pillugu suliffiup iluani utimut ilisimatitsisoqarneq ajornera. Tamanna suliamik suliarinninnermut aamma sullissisumut pitsaanngitsumik sunniuteqartarpoq. Sullissisoq suliffimini suliamigut ineriartorsinnaajunnaartarpoq. Ineriartortinneqarnissaa avataani pikkorissarnerit arlaannut akisuunullu tunniunneqartarpoq, tamakkulu sullissisunut ataasiakkaartunut tunngatillugu qaqtuguinnaq nalilersuiffiusarput.

Tamatumalu naggataatigut kingunerisarpaa sulisup inunnillu isumaginnittoqarfiup akorn-anni qanoq sulisoqarneranik paasisaqanngitsoortoqartarnera. Sulisut suliaminnut ungasillisarput, suliarfik uffa piviusut tungaanniit isigalugu nersunaraluaqisoq.

Suliamut ungasillinnermut ilaasoq aammattaaq tassaagunarpoq nalinginnaasumik isumaqartoqartarmat inunnik isumaginnittoqarfimmi sullissisut sullitamik misigissusaannik ilisarinnissinnaasussaasut, tassa allap atugaanik paasinnissinnaasariaqartut, nammineq misilittakkaminik tunngaveqarsinnaasunik. Taamatut pisoqartarsinnaavoq sullissisup pi-sumik paasinnilluarsinnaanerunissaa pillugu. Tamanna assut pingaartinneqarpoq.

Meeqqamulli tunngasumik suliaqarnermi pisoq qanoq iliortoqarnissaanik piumasaqaa-teqarpat, allap qanoq inissisimaneranut inississinnaassuseqarneq qularnanngitsumik ilu-aqutaaffeqassanngilaq.

Meeqqanik suliani allap qanoq inissisimaneranut inississinnaassuseqarneq isumaqarsinnaavoq, sullissisup kisimi meeqqap atugaanut inississinnaanani aammali allat attuumas-suteqartut, soorlu angajoqqaat inissisimaffiannut aamma inississinnaasariaqarnissaa, taamaalillunilu eqqarsaatinut misigissutsinullu imminnut assortuuttunut annertuallaamik inissittoorluni, taamaalillunilu suliassanut piuminartunut allaat qularutiginnilersinnaalluni.

Meeqqanut tunngasunik suliaqarnermi siullerpaamik pisariaqartinneqarput suliamik ilisi-maarinninneq sulinissamullu piumassuseqarluarneq.

Pisuni ilungersunarluinnartuni, ass. nammineq misigisimasanut assingusuni, iliuuseqar-nissamik pisussaaffilimmut allap qanoq inissisimaneranut inississinnaassuseq ajo-qutaasumik artukkiisinnaavoq.

Ilisimaneqarluarpoq sulinermi misigissutsinut sakkortuumik artukkiiffiusumik pisoqarfi-usartuni sulineq, pingaartumik inunnut annilaaruteqarnermi qanoq iliuusissaaruttartunut, qanoq ilioriarsinnaajunnaarnermut tunngaviusinnaasarnera.

Qanoq issutsip taassuma ilisarnaatigaa, qanoq iliuuseqartussaataasup pisumik tunutsi-innartarnera misigissutsinut sakkortuallaamik akornusiisarmat.

Ikiuinissamik pisussaaffimminut taarsiullugu imminut illersorniarluni suliassamik tunutsi-nermik inuup imminut nassuerutiginissaa artornartorujussuuvoq. Qanoq iliuuseqarsi-mannginnermut taarsiullugu amerlanertigut imminut pinngitsuutitsiniartoqartarpoq iliuuseqarsimanerup allannguutaasimanavianninneranik imaluunniit pisumi tassani iliuuseqarnissap allanit akisussaaffiginneranik innersuussinikkut.

Iliuuseqannginnermik pitsaanerulersitsiniarnerup pineqartoq inerniliisussanngortittarpa, taassuma suliaata aalajangiisuusumik pingaaruteqannginneranik imaqartumik. Kimul-luunniit pisussaaffilerneqarsimasumut aserorsaataavoq, iliuuseqarsimannginneq sumi-ginnaasimaneq imminut nassuerfiginninnermik qanorluunniit ittumik kinguneqarsin-naanngikkaangat. Taamatut inerniliinerup pissusivimmisut assigaa, pisussaaffiligaasima-nermut akuersaarsinnaanngilluinnerneq.

Ajorsivittarpoq iliuuseqarsimannginnermut imminut pinngitsuutinniarnaq ima annertutigi-leraangat, allap qanoq inissisimaneranut inississinnaassuseqarnermi isumatsangaar-nermi piinnarani aammattaarli sulisoq allanik pissuteqarluni, ass. nammineq ilorrisimaar-nissani piinnarlugu iliuuseqannginnissani toqqaraangagu.

Imminut pinngitsuutinniarnaq inunnik isumaginnittoqarfiup ilisarnaataanut ilaalissappat, tassaniippoq aammattaq allannguiniarnermik misiliineq, suliniuteqarnerillu isigineqartar-put tunngaviusumik pasinnippasinnermik isumaqatiginninnermillu. Tamanna aamma atuuqpoq pisuni pitsaasumik angusaqarfiusimasuni, tassami angusat pitsaasut akuer-sarnerisa kingunerisarmassuk iliuuseqarsimanngitsup nassuerutigisariaqarlugu iliuuseqarneq periarfissaasoq, taamaattumillu iliuuseqannginneq sumiginnaanerusoq.

Iliuuseqartannginnermut imminut pinngitsuutittarneq suliffeqarfimmi pissuserineqartunut ilaasimappat, tamannalu qangali suleqatit aaqqissuussaannermi nutaami ingerlaqqiffi-gisaanni aaqqissuussaannerup allanngortinneqarneranut atasumik erseqqissuliorfigi-neqanngikkuni, pisussaaffeqarnermik misigisimannginneq aserorsaataasoq aaqqissu-usaannermi nutaami ingerlaqqissasoq ilimanaateqarluinnarpoq.

Kommunep ingerlatsiviani aqutsisoqannginneranik iliuuseqannginnermillu takutitsisoq assersuutigineqarsinnaavoq, tassalu meeqqanik pinerliisimannginnermut upper-narsaammik pissarsiniarsimanernut takussutissaqartitsinnginneq.

Ilaqutariinnut paarsisartunut paarsisinnaanermut akuersissuteqarnermut atatillugu ino-qutigiinni 15-it sinnerlugit ukiulinnut tamanut meeqqanik pinerliisimannginnermut upper-narsaatinik pissarsiniartoqarsimassaaq. Malittarisassat ersaripput, sullissinerlu pisariil-luni, sulianili ersinngilaq uppernarsaatinik piniartoqarsimaneq taakkulu misissoq-qissaarneqarsimaneq. Nakkutilliinermik ingerlatsiviup tamanna paasivaa, innersuus-sissummilu nr. 3-mi innersuussutigineqarpoq pissutsit tamakku aaqqiivigineqarnissaat. Nakkutilliartornerup malitseqartinnerani paasineqarpoq meeqqanik pinerliisimannginner-mut uppernarsaatinik suli pissarsiniartoqarsimananilu misissueqqissaartoqarsimanngit-soq. Malitseqartitsiffiusumik nakkutilliinermut atasumik sullissisoq attuumassutilik aqutsi-sunit aperineqarpoq tamanna aaqqinneqarsimaneq, aqutsisulli namminneq

aaqqiisoqarsimaneranik misissuisimangillat. Nakkutilliinermik ingerlatsivik tigusillattaarluni nakkutiginnimmat, suliani meeqqanik pinerliisimanginnermut uppernarsaatit suli pigineqangillat. Kingorna nutaamik tigusillattaarluni nakkutilliinerni paasineqarpoq pis-sutsit tassani aaqqiivigineqarsimasut.

Sulianik naammassinnittoqarsimanagera aammalu pitsaassusissamisut pitsaatigisumik suliarineqarsimanagerat eqqarsaatigalugu nakkutiginnittoqanginnerata kinguneraa, sullissisup nammineq malittarerusutani malillugit sullissinissaminik periarfissaqalenera, taamaalillunilu sulianik suliarinnineq inatsisit piumasagaataannut naleqqiulluni amigalersinnaalluni.

Ajornartorsiutit tamakku imaluunniit ajornartorsiutit allat siornatigut aqutsinermut, aammalu sullissisut sooq iliuuseqarneq ajornerannut, sunniuteqarsimanagerut eqqarsaatigineqartariaqarpoq. (Nakkutilliinermik ingerlatsiviup aallaqqaataani nakkutilliartornerminni sulianik nassaarput pissutsinik ilungersunartunik aammalu ilisarnarluartunik, kisiannili iliuuseqarfingineqarsimangitsunik.) Tamanna eqqortumik isumaqarfingineqarsimappat, tassa tunngaviumik ajornartorsiutinik nassaassaartoq, taava taakku aaqqissuussinermi nutaami aamma malunniutissapput, iliuuseqarfingineqangikkunik.

Nuummi ingerlatsineq

Inunnut annertuumik innarluutilinnut ikiorsiissuteqartarneq pillugu suliat arlallit suliarisallugit immikkoortinneqarput. Tassunga atasumik kukkunerit amigaatillu arlalissuit paasineqarput suliani allagartalersuineq eqqarsaatigalugu. Inummumut tunngasunut allattuivimmut sullissineq pillugu iliuuseqarqinnissanik allattuineq amigaataajuarpooq, misissukkanilu tamani uppernarsaasiisoqarsimaneq ajorpoq pineqartoq inuit ilagigaat inuttut annertuumik innarluutilittut ikiorneqarsinnaasutut pillugit malittarisassat ataanni inissisimasooq. Sulisut naak oqaatigigaluaaraat suliani tigussaasuni pisunut uppernarsaatit paasissutis-sallu tamarmik ilaasut, allagaatilli ilaanni tamakku amigaataapput.

Ittoqqortoormiit

Nakkutilliisimanernik malitseqartitsinerup kingorna Nakkutilliinermik ingerlatsiviup suli naliliinera tassaavoq, Ittoqqortoormiini sullissineq/ingerlatsineq ajunngitsumik ingerlasooq. Nakkutilliinermik ingerlatsiviup taamaattoq ataani allassimasut tunngavigalugit siunissaq ernumanartoqartippaa, tassani pineqarpoq sulisussat pisariaqartinneqartut pissarsiarisinaanissaat.

Ittoqqortoormiini sullissinerup ineriartornerata pitsaassusaa ajunngilaq (angalasartut ikiortiginerisigut). Tamanna takuneqarsinnaavoq meeqqanik innarluutilinnillu suliaqarnerup iluani tamaani sulianik misissuineri.

Malitseqartitsisumik nakkutilliinerup nalaani sumiiffimmi suliaqarneq, silatusaarneq, sumiiffimmi pissutsinik ilisimasaqarneq aammalu isumaginninnermut inatsimmik tunngaviatigut ilisimasaqarneq tunngavigalugit kommunep ingerlatsinermut tunngavigisassatut pilersaarutigisaata ilaatut illersorneqarsinnaasumik ilaatinneqarsinnaavoq.

Suliat tigussaasut aaqqissuulluagaarpasillutillu tigorianaarpaasippat. Isumaginninninermi pigaartoq ajunngitsumik ingerlavoq, tamannalu ingerlanneqarpoq najukkami kommunemi suliamut attuumassutilinnik atorfillit allat ikiortigisarnerisigut.

Nakkutilliinermik ingerlatsiviup taamaattoq paasivaa, isumaginninnermi pigaartutut suli-aqarnermi peqataasunit tamanit meeqqanut pinerliisimanginnermut uppersaatinik piniartoqarsimangitsaq.

Politiinik suleqateqarneq inunnik isumaginnittoqarfimmit aammalumi Politiinit ajunngitsut isigineqarpoq. Assiliaq tamanna aamma erserpoq meeqqanik sulianik politiinik akuliutsitsiffiusimasunik misissuinnermi. Ullup unnuallu qanoq ilinera apeqquataatinnagu isumaginninnermi pigaartup najukkamilu politiit akornanni toqqaannartumik attaviginnissinnaaneq pilersinneqarsimavoq.

Nakkutilliinermik ingerlatsiviup nakkutilliinerup nalaani meeqqanik kinguaassiuutitigut atornerluisimanerit ilungersunartut pillugit suliap nassaarai.

Suliat politiini naammassineqanngillat, naak pisumik nalunaarutiginninnermiit qaammatit arlallit qaangiussimagaluartut aammalu misissuisoqarnera aallartinneqareeraluartoq. Suliat misissuiffiginerat suliassartani ajornartorsiutinit pitsaanngitsumik sunnerneqarnerat ersarippoq, tassani pineqarlutik video atorlugu apersuinerit aammalu apersuinerit taamatut ittut ingerlannissaanni malittarisassarpasuit immikkut ittut mianersuussasaammata. Apersuinerit avataaniit ikiorteqarluni ingerlanneqartussaapput, tamatumalu misissuineq malunnaqisumik kinguarsartarpaa. Isumaginninnermik suli-aqarnermut ata-sumik kinguarsaanerit kingunerivaat meeqqamik qanoq pisoqarsimaneramik oqaloqateqarnermut tunngatillugu suliniutinik aallartitsinissat killilimmik taamaallaat aallartinneqarsinnaammata. Tamanna assut ilungersunarpoq pingaartumik inuiaqatigiinni ikittunnguani avinngarusimasuniittunilu. Kinguaattoornerit pingaartumik tamaani akueri-uminaatsuupput, tassa naapertuilluarnermik misigissuseq (kikkut tamarmik imminnut ilisarisimanerat) eqqarsaatigalugu, kinguaattoornerit taamaalillutik suliap eqqartuussivimmi suliareneqarnerani aammalu meeqqamik/ilaqutariinnik isumaginninnikkut ikiorsi-nissamik periarfissatigut assortugassaannngitsumik sunniuteqarfiginnanngilaa, aammali kannguttaatsuliorfiginnissimaneramik nalunaaruteqarnermut killilimmik sunniuteqarsinnaa-nerat ilimagisariaqarpoq.

Meeqqat pillugit suliap suliareneqarput piffissami nakkutilliiartoqqaarnerup kingornatigut najukkami sulisunit aammalu nakkutilliiartortartut Nuummeersut nikerarlutik suliartortar-tut suliartornerisigut.

Malitseqartitsiffiusumik nakkutilliiartornerup nalaani Sermersuup qitiusumik isumaginnit-toqarfianit Angalasartut aammattaaq tikeraarput.

Nakkutilliinermik ingerlatsiviup paasivaa, najukkami ingerlatsiviup aammalu Angalasartut akornanni suleqatigiinneq najukkami sulisut sunik suli-aqartussaanerannik aammalu An-galasartut sunik aammalu sooq suli-aqartussaanerannik ilisimasaqannginnermik malun-naateqartoq.

Nakkutilliinermik ingerlatsiviup naliliinera malillugu tamanna ajornartorsiutitut isigineqar-poq.

Ersernerluttoq tamanna Angalasartut inissisimaffimminnik qanoq paasinninnerannut, minnerunngitsumillu aamma Angalasartut inissisimaffiannik najukkami ingerlatsiviup

qanoq paasinninneranut sunniuteqarpoq. Suleqatigiinnermut tamanna assut akornutaavoq.

Isumaginnittoqarfimmi eqitertitami sullissisunik/sullissinnermut ikiortinik najugaqartunik sulisulimmi aalajangiinissamik piginnaatinneqanngitsunik, Angalasartut najukkami sullissinnermik nakkutilliiartortut nakkutilliiinissaminni killiliiffigineqartarput najukkami ingerlatsiviup suliassaatus pisussaaffigisaani.

Nakkutilliiinermik ingerlatsiviup ersernerluttut nalilerpaa, Angalasartut "aaqqiiviginissaat amigaataavoq"-mik piunasaqaateqarfiusumik qanga misissuinnermik ingerlatsisoqarsimanersoq, aammalu najukkami ingerlatsiviup ikuuuffigisaanik suliassat eqitertitat Angalasartunit qanga suliarineqarlutillu nakkutigineqarsimanersut.

Immikkoortitsineq tamanna Angalasartunut immaqa soqutaarpiangikkaluarpoq, najukkamili ingerlatsivimmut pingaaruteqarluinnarpoq. Immikkoortitsineq tamanna akuersarneqannginnertut paasineqarpoq akerleriinnernillu arlalinnik ilaneqaraangami: Kitaa – Tunu, Nuuk – Ittoqqortoormiit, ilinniagalik – ilinniagaqanngitsoq, najukkani sulisunut tamanna misinnartarpoq sulinnermini naammagisimaarneqannginnermik. Taamatut isumaqarnerup sulisussarsiorneq ajornarsisittarpaa, sulili ajornakusoornerulersarpoq najukkani sulisunik attassiinnarsinnaaneq pisariaqartinneqarluinnartoq, tamakkumi pisuni aalajangersimasuni najukkani innuttaasunik sullissiinnaratik aammali Nuup aammalu najukkani innuttaasut akornanni nalinginnaasumik ingerlaavartumik attaveqaataasussamata.

Ajornartorsiut tamanna erseqqissivoq, najukkami sulisoq malitseqartitsiffiusumik nakkutilliiinerup nalaani atorffimminit soraarnerminik nalunaarutiginnimmat. Nakkutilliiinermik ingerlatsivik isumaqarpoq soraarnermik nalunaaruteqarneq taanna pinngitsoortinneqarsimasinnaagaluartoq aammalu pinngitsoortinneqarsimasariaqaraluarluni Nuup Ittoqqortoormiillu akornanni piginnaasanik agguataarinerup qanoq ittuunera inissinneqarsimasuuppat, aammalu najukkami ingerlatsiviup Angalasartullu akornanni erseqqissimasuuppat ilisimaneqarlunilu meeqqamik suliaqarnermi sullissinerup ilaasa ataasiakkaat kimit suliarineqarnissaat pisussaaffilerneqarsimasuupata.

Nakkutilliiinermik ingerlatsiviup naliliinera malillugu ilaannaatigut qitiusumik/avataaniitumik ingerlatsivik pisariaqartinneqarpoq, tassani qitiusumut inissisimaffeqartunik aalajangiisoqartarnerit paasissutissiisoqartarnerillu avataani ingerlatsiviup pisariaqartippaa, qitiusumillu ingerlatsiviup paasissutissat najukkami ingerlatsivimmeersut suleqatigiinnisamat malittarisassat sukumiisumik allaaserisat pisariaqartippai. Tamanna pisassaaq kina sunik suliaqassanersoq aammalu piffissaliussat suut atuunnissaannik erseqqissumik allassimasulimmik. Tamanna meeqqanik suliani ilungersunarluinnartuni pingaaruteqarluinnarpoq.

Taamatut pisoqanngippat Nakkutilliiinermik ingerlatsiviup isumaa malillugu najukkap avataanut siammaanerup ilaatut Nuummi sulisut aammalu kommunep illoqarfigisaani allani sulisut akornanni qulliunermik/alliunermik pisortatigoortuunngitsumik isuma pilersinneqarsinnaavoq imaluunniit isummamik aalajangiussisimatitsisinnaanera annilaangatigineqarsinnaavoq. Ingerlatsinnermut tunngavik nutaaq malillugu ingerlatsineq soorunami aqunneqarlunilu nakkutigineqassaaq, tamannali pisariaqarpoq qulliunermik/alliunermik

pisortatigoortumik nalunaarutigineqartukkut, sulisut namminneq piginnaasaminnik nalilersuinerat allallu suliaminnut piukkunnassusaannik nalilersuinerat tunngaviginagu.

Paamiut

Paamiut isumaginnittoqarfiani Kommuneqarfik Sermersuumi meeqqanik inuusuttunillu sulianik, piffissami 25. januaari 2017-imiit 1. februaari 2017-imut Nunap ilaani immik-koortortami nakkutilliiartorsimanerup malittareqqinneratut ingerlanneqarsimasumi, nakkutilliiartorneq ingerlanneqarpoq piffissami 9. decembari 2017-imiit 13. decembari 2017-imut. Nakkutilliiartorsimanerup nalunaarusiaq 2. juuni 2017-imeersoq pigineqarpoq.

Paamiuni malitseqartitsiffiusumik nakkutilliiartornermi Nakkutilliinermik ingerlatsiviup paasivaa aalajangiisinnaanermik piginnaatitaaffinnik agguataarineq siullermik nakkutilliiartorsimanerup naleqqiullugu allangortinneqarsimannngitsaq. Inunnik isumaginnittoqarfiup tassa sulii allaaseraa pisarialimmik Nuup suleqatiginissaa, Paamiuni aalajangiisinnaanermik piginnaatitaaffeqarnerup killeqarnera eqqarsaatigalugu attaveqatigiilluannnginnermik pissuteqartoq. Qitiusumik isumaginnittoqarfiup oqaloqatiginiarnera assorsuaq ajornakusoorpoq aammalu akissuteqartoqarnissaanik utaqqineq tamaat isigalugu sivisuallaarpoq, ilaannilu akissuteqarnerup ajorluni.

Nakkutilliinermik ingerlatsiviup nalilerpa Paamiuni Inunnik isumaginnittoqarfimmi pissuserineqalersimasooq aqqiissutissarsiortariaqartarneq atornerqartariaqartoq Nuummut aperinissamik pisariaqartitsiviunngitsumik. Tamatuma kingunerisinnaavaa suliniutissat ilaat pisariaqartinneqarsinnaasuugaluit pinngitsoorsinnaanerup, innuttaasullu ikiorneqarneq/neqeroorfigineqarneq iluaqutaanerpaasusaaq tamatigut pinngitsuussagaat.

Nakkutilliinermik ingerlatsiviup malitseqartitsinermik nakkutilliinermi paasivaa Isumaginnittoqarfik aalajaatsunik ukiorpassuarni sulisimanertik tunngavigalugu misilittagaqarluartunik sulii sulisoqartoq.

Nakkutilliinermik ingerlatsiviup meeqqat pillugit suliani malitseqartitsinermi paasivaa suliasanik suliaqarneq sulii amigaateqartoq, ass. suliasanik suliaqarnermi ingerlariaqqinnernut uppersaatit ilaatigut amigaateqartoqarmat, soorlumi aamma suliani aalajangiinernut tunngavilersuutit pisuni arlalinni amigaatigineqartut.

Nakkutilliinermik ingerlatsiviup isumaginninnermi pigaartup 2017-imut nalunaarusiai missorpai, paasivaalu isumaginninnermi pigaartoqarneq ingerlalluortoq, soorlumi aamma Nakkutilliinermut ingerlatsiviup paasigaa nalunaarutiginninnerit malinnaavigeqqinneqartut.

Nakkutilliinermik ingerlatsiviup inunnut annertuumik innarluutilinnut ikiorsiinerit pillugit suliani arlalinni misissuinermini paasivaa suliat peqqissaarussaasut, aammalu naammassi-neqartarsimasut annertunerusumik kukkuneqaratik amigaateqarnatillu.

Aammalu Paamiuni isumaginnittoqarfiup inunnik annertuumik innarluutilinnik angerlarsimaffiup avataanut inissinneqarsimasunik nakkutilliinernik aallartitsisimaneq Nakkutilliinermik ingerlatsiviup iluaralugu paasivaa.

Nakkutilliinermik ingerlatsiviup ataatsimut nalilerpaa allakkatigut sulianik suliaqarnermi amigaatigineqartut ajornartorsiutinik pingaaruteqarluinnartunik kinguneqanngitsut imaluunniit pisortat sumiginnaaneranikk kinguneqanngitsut, aammalu Paamiuni inunnik isumaginnittoqarfik pingaarnerusutigut naammaginartumik suliassaminik suliarinnittoq.

Nakkutilliinermik ingerlatsiviup nalilerpaa, Paamiuni isumaginnittoqarfik illoqarfimmesunik sulisoqartoq. Deloittep suliaata ingerlatsinermut tunngavissap atuutsinneqaleranerani pingaaruteqarpoq sulisut taakku pigiinnarnissaat pillugu ataavartumik qulakkeerrinnittoqarnissaa.

Kommuneqarfik Sermersuup isumaginninnikkut ingerlatsivia ataatsimut isigalugu

Kommuneqarfik Sermersuumi tamarmi nakkutilliiartorsimaneq tunngavigalugu Nakkutilliinermik ingerlatsiviup nalilerpaa kommunemi tamarmi Inunnik isumaginnittoqarfimmi suliviup iluani, sulianut tunngatillugu attaveqaqatigiinneq annertuumik amigaateqartoq.

Tapertatut aningaasaqarnermik nakkutilliiartorneq

Aningaasaqarnermik nakkutilliiartornermut atatillugu, Nakkutilliinermik ingerlatsiviup Pisortat Ikiorisinerinut tunngasuni ikiorisiimanernut suliat (8-t), Innarluutilinnut suliat (8-t) aammalu Soraarnerussutisianut tapinut tunngasut suliat (10-t) katillutik 26-it misissorpai.

Nakkutilliinermik ingerlatsivik aningaasaqarnerup iluani pingaarnertigut kukkunernik assuarnartulinnik nassaangilaq. Unaminartorli tassaavoq pingaartumik pisortat ikiorisinerannut tunngasuni allagaatit pingaarutillit arlallit amigaataanerat, tamannalu isumaqarpoq Nakkutilliinermik ingerlatsiviup qulakkeersinnaangikkaa innuttaasup tamatigut pisassani eqqortoq pisarsimanageraa. Sulianik misissuinermi pingaarnertigut paasisat tunngavigalugit, Nakkutilliinermik ingerlatsiviup taamaattoq tatigaa kommunep isumaginninnerup iluani malittarisassat malillugit isumaginninnermik suliaqarneq ingerlakkaa, aammalu innuttaasut pisassarisaminnik naggataatigut pissarsisartut. Nakkutilliinermik ingerlatsiviup susassaqarfinnik ataasikkaanik misissuineranut tunngatillugu ilanngussaq innersuussutigineqarpoq. Nakkutilliinermik ingerlatsiviup naammagisimaarpaa aningaasat akuersissutaasut erseqqissunik tunngavilersugaakannerlutik nassuiaatissartaqanngitsumik allanngorarnatik tunniunneqartarnerat aammalu tunniunneqartussat anner-tussusaasa eqqortut kommunemit atornerarnerat. Nakkutilliinermik ingerlatsiviup tunniunneqartuni kukkunerit ataasiakkaat nassaarai, paasilluguli kukkunerit tunniussinermitullermi iluarsivigeqqinneqartartut. Tamakku saniatigut Nakkutilliinermik ingerlatsiviup naammagisimaarpaa missingersuutinik aqutsineq, siunissami aningaasartuutissanik pilersaarusionerq aammalu qaammatit tamaasa missingersuutinik malinnaaviginninnerit kommunemit suliarineqartarnerat.

Pisortanit ikiorisiissutit

Suliaqarfimmi tassani aningaasanik pitsaasumik aqutsisoqarpoq qaammatit tamaasa missingersuutitik malinnaaviginnittoqartarmat, siunissami aningaasartuutissat pilersaarusiornerinut kisitsisitalersuisoqartarmat, ilisimaqqissaarneqartarmat aningaasat sumut atorineqarnerat aammalu missingersuutitik aqutsineq ingerlanneqartarmat.

Aningaasat tunniunneqartartut paasiuminarlutillu assigiiaartuusarput. Akiliutigineqartartut oqartussaasumi akiliuteqartussami nalunaarsorneqartarput, aningaasallu annertussusissaat eqqortut malillugit innuttaasut tigusassarisatik pisarpaat. Sumiiffinni ataasiakkaani tigusartagallit aningaasat kukkusumik naatsorsukkat tigusarpaat, tamakkuli tullianik tigusilernerit arlaanni aaqinneqartarput.

Sullinneqartulli mappeani uppersaait tamakkiisuuneq ajorput, pingaartumik innuttaasut pisortanit ikiorsiissutitik ukiuni arlalinni pisartagaqarsimagaangata.

Innarluutilinnik sullissineq

Suliaqarfimmi tassani aningaasanik pitsaasumik aqutsisoqarpoq qaammatit tamaasa missingersuutitik malinnaaviginnittoqartarmat, siunissami aningaasartuutissat pilersaarusiornerinut kisitsisitalersuisoqartarmat, ilisimaqqissaarneqartarmat aningaasat sumut atorineqarnerat aammalu missingersuutitik aqutsineq ingerlanneqartarmat.

Soorlu siusinnerusukkat allaaserineqareersoq Nakkutilliinermik ingerlatsiviup tapersersorteqarnernut akunnerit atorineqartut uppersaataat naammanngitsutut isigai aammalu innersuussutigalugu kommunep tapersersorteqarnernut akunnerit atorineqanngitsortut eqqumaffiginiassagai.

Allagartalersuineq arlalinnik amigaateqarpoq, pingaartumik suliani innuttaasut sivisuumik innarluutillit pillugit inatsisip ataani sullinneqarsimasut eqqarsaatigalugit.

Soraarnerussutisiaqarnermut tapi

Aningaasat akuersissutaasut aammalu aningaasat akiliutigineqartut akornanni annertu-nertigut ajunngivissumik ataqtigiiitoqarpoq. Nakkutilliinermik ingerlatsiviup innut-taasunut tunniunneqartartuni eqqumiiginartunik allanngorarnernik nassaarfiginngilaat, tun-niussisarnerillu erseqqissunik tunngavilersugaakannerlutik pisarput. Nammineq atorsin-naasatut tapiliussanik annertunaaraluni kukkusumik tunniussinernik ataasiakkaaqarpoq, taakkuli kukkunerit tulliani tunniussivimmi aaqinneqarsimasarput.

Soorlu siusinnerusukkat allaaserineqartut aningaasaqarnermut/inummut tapinik akuersisoqartillugu aningaasaateqarnermut paasissutissanik paasiniaasoqarneq ajorpoq. Kommunep siunissaq eqqarsaatigalugu tamanna eqqumaffigisariaqarparaa. Tamakku saniatigut aamma saniatigut tapinik annertuallaanik ataasiakkaanik peqarpoq (qaammam-mut 2.000 kr.-it sinnerlugit). Tamatuma siunissami appartinneqarsinnaaneranut periarfisaqarsinnaanera, soorlu najugaqarfigisamit allamut nuunnikkut, kommunemit misis-sorneqarsimanersoq suliami ersinngilaq.

Suliat ilaanni ataatsimi, aningaasaqarnermut tapi utoqqalinersianik kukkunilinnik tunnius-saqarsimanermit inatsisilik unioqquitsisumik akileeqqusisimanermit utertitsissutitut atorput. Tassani pineqarpoq suliaq, pineqartup Danmarkimut nuussimanerata kingorna

innuttaasumik utoqqalinersisitsiffiusimasoq. Kommunip aningaasat akilersinniarnissaat ukiuni sisamani kinguarsarsimavaa. Aningaasat akilereerlugit innuttaasup suliaq Isumaginninnermi naammagittaalliuuteqartarfimmut ingerlateqqippaa aammalu taperserneqarluni. Ingerlatami tassani kommunip ukiut marluk atorsimavai suliamut allagaatinik pisari-aqartinneqartunik Isumaginninnermi naammagittaalliuuteqartarfimmut nassiussiniarnerminut.

Nakkutilliinermik ingerlatsiviup suliamik ingerlatsinermut piffissarujussuaq atorineqartoq assorsuaq isornartoqartippaa.

Suliaqarfiit pitsanngorsaavigineqartariaqartut

Nakkutilliinermik ingerlatsiviup qulequttat pingasut pitsanngorsaavigineqartariaqartutut isigai

1. Sullinneqartut mappiunut nalinginnaasumik allattuisarnissat
2. Tapersersuinnernut akunnerit atorineqartut naatsorsornissaat
3. Aningaasaqarnermut/inummut tapinut tunngatillugu aningaasaateqarnermut paasissutissanik pissarsiniartarnissaq

Sullinneqartut mappiunut allattuisarnerup amigaateqarnera

Kommunep nammineq oqaatigaa sullissineq sullinneqartut mappiunik aallaaveqartoq aammalu allagaatit pisariaqartinneqartut tamarmik tassani nassaassaasariaqartut. Tamannali eqqunngilluinnarpoq. Suliat amerlanersaanni allagaat pisariaqartinneqartoq ataaseq arlallilluunniit amigaataapput, soorlu aalajangiinerit, naatsorsuinerit, innuttaasumut allakkat, nakorsap uppersaasiineri il.il. Innarluutilinnik suliaqarfimmi ajornerpaavoq, ajunnginnerpaallunilu soraarnerussutisianik suliaqarfimmi. Amerlasuuni allagaatit taarserneqarsimapput post-its-inik, tamannalu isornartoqartinneqarpoq. Tamakku saniatigut Nakkutilliinermik ingerlatsiviup isornartoqartippaa, kommunep pisuni tamani allagaatit pisariaqartinneqartut sumiinnerat ilisimangimmagu. Sulianut allagaatit amigaataanerannut pissutaapput ajornartorsiutit arlallit, soorlu sullissisup journalimik suliamut mappemut ilisimanginnera, aammalu allagaatit suliamut tunngasut annaaneqartarmata suliaqarfimmiit ataatsimiit allamut nuunneqaraangamik. Nakkutilliinermik ingerlatsiviup taamaattoq nalilerpaa aalajangiinerit pisariaqartinneqartut aalajangiivigineqartartut, naatsorsuisoqartartoq il.il., kisiannili ass. aalajangiinnernut naatsorsuinnernullu allagaatinik suliaqartarnermik sungiussiinnarnissaq annertuumik pitsanngortinneqartariaqartoq. Oqaatigineqarsinnaavoq kommunit allat misilittagaqarfigigaat fakturanik uppernarsaatinillu tamanik scannerinermik aalajangersimasumik periaaseqarneq, aammalu Winformatikkimut allattortarneri, suliaq pillugu allagaatit akornannut iliinnarnagu.

Tapersersorteqarnermut akunnerit atorineqartut – atunngitsuukkat aammalu uppersaasiisoqartannginnera

Innuttanut innarluutilinnut tapersersorteqarnermut akunnernik misissuinnermut tunngatillugu Nakkutilliinermik ingerlatsivik isumaqarpoq tapersersorteqarnermut akunnernik akuersissuteqarnerit amerlassusaasa aammalu tapersersortitut suliallit amerlassusaasa akornanni annertunertigut ataqatigiittoqartoq. Kommunep sullitanut allattorsimaffiutaa,

innuttaasup tapersersorteqarneranut akunnernik atuisimanernut nalunaarsuinertut ator-tussaavoq. Tapersersorteqarnernut akunnernik akuersissuteqarnerit aammalu sullitat al-lattorsimaffiata akornanni naleqqiussineq aqcutigalugu Nakkutilliinermik ingerlatsiviup paasivaa tapersersortit akunnernik atuinissami annertuumik atuinngitsoortoqartoq. Kommunep oqarnera malillugu tamatumunnga pissutaavoq innuttaasut akulikitsunik iti-gartitsisarmata tapersersorti takkukkaangat. Taamatut pisoqaraangat, tapersersortip tamanna Ullormut allattuiffimmut allattussaavaa.

Nakkutilliinermik ingerlatsiviup kommunemik oqaloqateqarnermini aallaqqaataasumik paasisariaqarsimavaa, ullormut allattuiffinnut allattukkat imaluunniit sullitat allattorsimaf-
fiat, arlaannaalluunniit tapersersorteqarnermut akunnernik atunerit amerlassusaannut atorneqartunik eqqortumik takutitsinngitsoq. Nakkutilliinermik ingerlatsiviup iluarisimaar-paa, kommunep tapersersortit sulisorisaasa Nakkutilliinermik ingerlatsivimmit innersu-
ussisoqarnerata kingorna sullitat allattorsimaffiannik nutarterisimamata. Akuersissutigi-
neqarsimasunullu naleqqiullugu suli annertuumik atuinngippallaarneq ingerlavoq.

Nakkutilliartornermi kingullermi Nakkutilliinermik ingerlatsiviup tikkuarpaa tapersersor-
teqarnermut akunnerit innuttaasumut ataatsimut atorneqartut qassiunerisa takuneqarsin-
naanginnerat. Nakkutilliinermik ingerlatsiviup iluaraa kommunep tamatumunnga
pitsanngorsaasimamata, taamaattorli innersuutigalugu uppersarsaasiisarnerup
pitsanngortinneqarnissaa atuinngitsoortarnerullu appartinneqarnissaa.

Tassunga atasumik oqaatigineqarsinnaavoq, innuttaasooq tapersersorteqarnissaminut
qujaannaraangat sukkaasumik pisariitsumillu tapersersortinut akunnerit atorneqartussat
allanut paarlaatitertarnerat kommunet allat pitsaasumik misilittagaqarfigigaat, taamaalil-
lutik akunnerit tapersersorteqarnermut atorneqartussat innuttaasunut allanut atorneqart-
arput suliassanut namminneq akuersissuteqarfigineqarnerminni pissarsiarisinnaangisa-
minnut ikiorneqarnernut atorsinnaangorlugit. Nakkutilliinermik ingerlatsiviup suleriaaseq
taamatut ittoq innersuussutigaa.

Soraarnerussutisiaqarnermut tapi – aningaasaateqarnermut paasissutissanik pis- sarsiniartoqarneq ajornera

Aningaasaqarnermut/inummut tapinut tunngatillugu Nakkutilliinermik ingerlatsiviup
isornartoqartippaa aningaasaateqarnermut paasissutissanik pissarsiniartoqarneq ajor-
nera. Innuttaasooq akissaqanngilluinnartoq takuneqarsinnaagaangat aningaasaqarner-
mut/inummut tapit qaqutiguuissumik taamaallaat innuttaasup aningaasartuutaanut aki-
liutigineqartussatut tunniunneqartussaapput. Tassani piumasarineqarpoq innuttaasup
aalajangersimasumik isertitaanik aningaasartuutaanillu kiisalu maannakkut anin-
gaasaatigisaanik kommunep ersarissumik paasisaqarsimanissaa. Kommunep aalajan-
gersimasumik isertitat aningaasartuutillu kisiisa pillugit paasissutissanik pissarsiniartar-
mat, kommunep uppersarsinnaangilaa innuttaasup qanoq amigaateqarluinnartigi-
nera.

Naggasiineq eqikkaanerlu.

Malitseqartitsiffiusumik nakkutilliinermut tunngasut

Nakkutilliartornermit nalunaarusiap 2. juuni 2017-imeersup kinguneraa, kommunep suli-ani ingerlasuni annertuumik aqqissuussinissamik aalajangenera kiisalu meeqqanik suliaqarnerup iluani ingerlatsinermik nutaarluinnarmik tunngaveqalernissamik pilersitsinissani.

Suliniutit aallartinneqartut ima annertussuseqarput, qaammatit arfinilinniit aqqaneq marluk iluanni naammassineqarsinnaanatik.

Nakkutilliinermik ingerlatsiviup iliuuseqarniarneq annertoq, siunissami suliassat aammalu aqqissuussinissaq pisariaqartinneqartoq eqqarsaatigalugit, maannakut pissutsinik atuuttunik isornartulinnillu allangortitsisussa q tamanna akuer-saarpaa.

Nakkutilliinermik ingerlatsiviup aammattaaq erseqqissassavaa, taamatut suliaqarnermut piffissaliussap malinneqarnissaata pingaaruteqassusia, tassa anguniakkatut immikkoortortatut allattukkanut tunngatillugu, aammalu aqqissuussaannermi nutaami sulias-sarpassuit aqqitassat inunnik isumaginnittoqarfimmi sulisunut atorfinni qaffasissutsini sorlerniluunniit inissisimasunut agguataarneqarnissaasa erseqqisarneqarnissaasalu pingaaruteqassusia eqqarsaatigalugu.

Avataaniit ikiorserneqarneq pisumi taamatut ittumi pissusissamisoorpoq, taamatulli ingerlatsinermi pingaaruteqarpoq allangortiterinissamik eqqarsaatigisat pillugit sulisut si-umungaaq ataavartumik paasitinneqartuarnissaat aammalu avataaniit ikiortigisanit atuinerup annertussusaata aqutarineqartuarnissaa, aamma tamatumunnga anin-gaasartuutit eqqarsaatigalugit.

Sulisut suliamut sunniuteqartinnissaat pingaaruteqarpoq aammalu sulisut ataasiakkaar-lutik allangortiteriffiup nalaani suliassanik aalajangersimasunik aqutsisut isumaat malil-lugu sulisumit suliarineqarsinnaasutut isigineqartunik suliakkerneqartarnissaat pingaar-uteqarpoq.

Allangortiterinerup nalaani isumaginnittoqarfimmi sulianut ilungersunartunut inatsit tamatumunnga atuuttoq naapertorlugu erngertumik iliuuseqarsinnaasunik piareersima-soqartuarnissaa pingaaruteqarluinnarpoq.

Allangortiterinermik suliaqarnerup aammalu nersornarluinnartumik tamatuma naam-massineqarnissaa, tamanna taamatut sulinissaq allangortinngilaa.

Allangortiterinermik suliaqarnermut pingaaruteqarpoq, siusinnerusukkut ingerlatsisima-nerup illersorneqarsinnaangitsuunerata kikkunnit tamanit nassuerutigineqartariaqar-nera, suliata tamarmik 75 %-iisa annertuunik kukkuneqarlutillu amigaateqarnerat eqqarsaatigalugu.

Nakkutilliinermik ingerlatsiviup allangortiterinermik suliaq pillugu paasissutissinneqartu-arumavoq.

Nalinginnaasumik nakkutilliinermut tunngatillugu Nakkutilliinermik ingerlatsiviup makku innersuussutigai

1. Politiillu suleqatigiinnissamik isumaqatigiissusiornissaq innersuussutigineqarpoq.
2. Meeqqanik pinerliisimanginnermut uppersarsaatiniq piniartarnermut periusissamik suliaqarnissaq innersuussutigineqarpoq, tassa ilaqutariinnik paarsisartunik sulianut ammalu inunnut Socialvagtituinnaq sulisunut tunngatillugu.
3. Kommuneq qitiusumik aammalu sumiiffinni isumaginnittoqarfiisa akornanni piginnaasanik agguataarinernut takussutissaliortoqarnissaa, kiisalu Angalasartut suliaannik piginnaasaannillu allaaserinninnissaq innersuussutigineqarpoq.
4. Isumaginnittoqarfimmi suleriaasissamik suliaqartoqarnissaa innersuussutigineqarpoq, najukkani isumaginnittoqarfiit qitiusumik isumaginnittoqarfimmut attaveqarsinnaanernik pitsaanerusumik periarfissiisunik.
5. Aningaasanik ikiorserneqartariaqarnermut nalilersuinermi aningaasaatinut paasissutissanik pissarsiniartoqartarnissaanut suleriaasissamik suliaqartoqarnissaa innersuussutigineqarpoq.
6. Suliani qanorluunniit ittuni sullitap allagaataanut allattuisarnissamik sukaterinissaq innersuussutigineqarpoq.
7. Innuttaasup tassanngaannartumik ikiortariaqarnerminut itigartitsigaangat aammalu innuttaasup akunnerni qassini tapersersortimit ikiorneqarsimaneranut uppersarsaatiniq qanoq pissarsisoqartarsinnaanera pillugu, tapersersorteqarnermut akunnernik atuiner-mut suleriaasissaliornissamik suliaqarnissaq innersuussutigineqarpoq.